



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք.Երևան, Շոպրոնի 77 հեռ. 010 51-29-53 էլ. hsuget patrol-service@police.am

N Ձ/ 112955

<< 20 >> 07 2022թ.

Գուրգեն Գալստյանին
Հասցեն՝ ք.Վանաձոր Նարեկացու 3/5

Ուղարկում եմ Ձեր դիմումի հիման վրա հարուցված բողոքարկման վարույթի ընթացքում վարչական իրավախախտման վերաբերյալ գործով 17.06.2022թ-ին կայացված թիվ 8180210354 որոշումը բեկանելու և վարչական իրավախախտման վերաբերյալ գործի վարույթը կարճելու ու 16.06.2022թ-ին կայացված թիվ 8180200041 որոշումն անփոփոխ, իսկ վարչական բողոքն առանց բավարարման թողնելու վերաբերյալ որոշումը:

Առդիր՝ << >> թերթ

Պետ,
ոստիկանության գնդապետ՝

Ա.Ումրշատյան

Կատ. Ս.Ավետյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 17.06.2022թ-ին կայացված թիվ 8180210354 որոշումը բեկանելու և վարչական իրավախախտման վերաբերյալ գործի վարույթը կարճելու ու 16.06.2022թ-ին կայացված թիվ 8180200041 որոշումն անփոփոխ, իսկ վարչական բողոքն առանց բավարարման թողնելու մասին

<< 19 >> 07 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա.Ումրշատյանս, վերանայելով Գուրգեն Գալստյանի (Այսուհետ՝ դիմող) 22.06.2022թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

16.06.2022թ.-ին՝ ժամը 10:35-ին Վանաձոր քաղաքի Թումանյան փողոցում դիմողի վարած „Օպել“, մակնիշի 34 ST 994 հաշվառման համարանիշի տրանսպորտային միջոցի տեխնիկական վիճակի զննություն անցած չլինելու փաստը արտացոլվել է ՃՈ Էլեկտրոնային ռեգիստրում (իրավական հիմք՝ ՀՀ կառավարության թիվ 1251-Ն որոշում), ինչի հետևանքով ՀՀ ոստիկանության պարեկային ծառայության Լոռու գումարտակի 1-ին վաշտի 2-րդ դասակի ավագ պարեկ Անի Դալլաքյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի հատկանիշներով կայացվել է թիվ 8180200041 որոշումը՝ վերջինիս 20.000 ՀՀ դրամի չափով տուգանելու մասին:

17.06.2022թ.-ին՝ ժամը 01:50-ին Վանաձոր քաղաքի Նարեկացի փողոցում դիմողի վարած „Օպել“, մակնիշի 34 ST 994 հաշվառման համարանիշի տրանսպորտային միջոցի տեխնիկական վիճակի զննություն անցած չլինելու փաստը արտացոլվել է ՃՈ Էլեկտրոնային ռեգիստրում (իրավական հիմք՝ ՀՀ կառավարության թիվ 1251-Ն որոշում), ինչի հետևանքով ՀՀ ոստիկանության պարեկային ծառայության Լոռու գումարտակի 1-ին վաշտի 3-րդ դասակի ավագ պարեկ Առաքել Վիրաբյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի հատկանիշներով կայացվել է թիվ 8180210354 որոշումը՝ վերջինիս 20.000 ՀՀ դրամի չափով տուգանելու մասին:

Դիմողը ՀՀ ոստիկանության պարեկային ծառայություն ստացված դիմումով խնդրել է բեկանել թիվ 8180200041 որոշումը, քանի որ տուգանվել է նույն արարքի համար:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային ծառայության իրավաբանական բաժանմունքում հարուցվել է վարչական բողոքարկման վարույթ:

Դեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտման վերաբերյալ գործով 17.06.2022թ-ին կայացված թիվ 8180210354 որոշումը ենթակա է բեկանման, իսկ 16.06.2022թ-ին կայացված թիվ 8180200041 որոշումը կատարման հետևյալ պատճառաբանությամբ.

«Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն՝ օրենսդրությամբ սահմանված կարգով տեխնիկական զննություն չանցած կամ տեխնիկական զննությամբ ի հայտ եկած՝ Հայաստանի Հանրապետության կառավարության սահմանած՝ տրանսպորտային միջոցների շահագործումն արգելող անսարքություններից կամ պայմաններից որևէ մեկի առկայությամբ տրանսպորտային միջոց վարելը՝ առաջացնում է տուգանքի նշանակում սեփականատիրոջ կամ տիրապետողի նկատմամբ՝ սահմանված նվազագույն աշխատավարձի քսանապատիկի չափով:

«Ճանապարհային երթևեկության անվտանգության ապահովման մասին» ՀՀ օրենքի 15-րդ հոդվածի 1-ին մասի համաձայն՝ Հայաստանի Հանրապետության տարածքում շահագործվող տրանսպորտային միջոցները Հայաստանի Հանրապետության օրենսդրությամբ սահմանված կարգով ենթակա են տեխնիկական զննության:

Նույն հոդվածի 2-րդ մասի համաձայն տրանսպորտային միջոցների առաջին տեխնիկական զննությունն իրականացվում է թողարկմանը հաջորդող չորրորդ տարում:

2) թողարկման տարեթվից հաշված՝ 4-ից ավելի, ներառյալ՝ 10 տարվա արտադրության թեթև մարդատար տաքսի ավտոմոբիլներ, տրոլեյբուսներ, ավտոբուսներ, վտանգավոր բեռներ փոխադրելու համար նախատեսված մասնագիտացված տրանսպորտային միջոցներ և դրանց կցորդներ (կիսակցորդներ)՝ տարին մեկ անգամ, 10-ից ավելի տարվա արտադրության դեպքում՝ 6 ամիսը մեկ անգամ:

3) թողարկման տարեթվից հաշված՝ 4-ից ավելի, ներառյալ՝ 10 տարվա արտադրության թեթև մարդատար ավտոմոբիլներ, բեռնատար տրանսպորտային միջոցներ, ուղևորի մինչև 8 նստատեղ ունեցող բեռնաուղևորատար տրանսպորտային միջոցներ, կցորդներ (կիսակցորդներ), մոտոցիկլեր (բացառությամբ սույն մասի 2-րդ կետով նախատեսված տրանսպորտային միջոցների)՝ 2 տարին մեկ անգամ:

4) թողարկման տարեթվից հաշված՝ 10-ից ավելի տարվա արտադրության թեթև մարդատար ավտոմոբիլներ, բեռնատար տրանսպորտային միջոցներ, ուղևորի մինչև 8 նստատեղ ունեցող բեռնաուղևորատար տրանսպորտային միջոցներ, կցորդներ (կիսակցորդներ), մոտոցիկլեր (բացառությամբ սույն մասի 2-րդ կետով նախատեսված տրանսպորտային միջոցների)՝ տարին մեկ անգամ:

5) թողարկման տարեթվից հաշված՝ 4-ից ավելի տարվա արտադրության նոր ներմուծված տրանսպորտային միջոցները տեխնիկական զննության են ներկայացվում նախքան տրանսպորտային միջոցը Ճանապարհային ոստիկանությունում առաջին անգամ հաշվառելը:

6) տրանսպորտային միջոցը տեխնիկական զննության պետք է ներկայացվի մինչև նախորդ տեխնիկական զննությամբ տրամադրված արատորոշման քարտին նշված ամսվա վերջին օրը:

Նույն օրենքի 18-րդ հոդվածի 1-ին մասի ժա/ և ժբ/ կետերի համաձայն տրանսպորտային միջոցի երթևեկությունն արգելվում է, եթե տրանսպորտային միջոցը Հայաստանի Հանրապետության օրենսդրությամբ սահմանված ժամկետում չի անցել տեխնիկական զննություն, կամ տեխնիկական զննությամբ ի հայտ է եկել Հայաստանի Հանրապետության կառավարության սահմանած՝ տրանսպորտային միջոցների շահագործումն արգելող անսարքություններից կամ պայմաններից որևէ մեկը կամ տրանսպորտային միջոցն անօրինական վերասարքավորված է:

Նույն օրենքի 18.2-րդ հոդվածի 2-րդ մասի համաձայն հիշյալ օրենքի օրենքի 18-րդ հոդվածի 1-ին մասի «ժա» և «ժբ» կետերով նախատեսված դեպքերում տրանսպորտային միջոցի հաշվառման փաստաթուղթը վերցնելու դեպքում վարորդին տրվում է 10-օրյա

Ժամկետով ժամանակավոր փաստաթուղթ՝ տեխնիկական զննություն անցնելու կամ տեխնիկական զննությամբ ի հայտ եկած՝ Հայաստանի Հանրապետության կառավարության սահմանած՝ տրանսպորտային միջոցների շահագործումն արգելող անսարքությունները կամ պայմանները վերացնելու կամ գործարանային տեսքի բերելու կամ վերասարքավորումն օրինականացնելու համար: Տրանսպորտային միջոցի հաշվառման ժամանակավոր փաստաթղթի ձևը սահմանում է Հայաստանի Հանրապետության կառավարությունը:

ՀՀ ոստիկանության ՃՈ էլեկտրոնային ռեգիստրից կատարված քաղվածքի համաձայն «Օպել», մակնիշի 34 ST 944 հաշվառման համարանիշի տրանսպորտային միջոցի տեխնիկական զննում անցած լինելու վերաբերյալ տվյալներ առկա չեն:

Տրանսպորտային միջոցների տեխնիկական զննության միասնական շտեմարանից կատարված քաղվածքի համաձայն «Օպել», մակնիշի 34 ST 944 հաշվառման համարանիշի տրանսպորտային միջոցը տեխնիկական զննում անցել է 25.06.2022 թ.:

Թիվ 8180210354 որոշումը ենթակա է բեկանման այն պատճառաբանությամբ, որ 16.06.2022 թվականին վարչական պատասխանատվության ենթարկվելուց հետո Գուրգեն Գալստյանը 10-օրյա ժամկետում կրկին ենթարկվել է վարչական պատասխանատվության, սակայն «Ճանապարհային երթևեկության անվտանգության ապահովման մասին» ՀՀ օրենքի 18.2-րդ հոդվածի 2-րդ մասի համաձայն վարչական պատասխանատվության չէր ենթարկվելու:

ՎՀՎՎՄՕ-ի 63-րդ հոդվածի 1-ին մասի ա) կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Այսպիսով, դիմումատուի արարքում բացակայում է «Վարչական իրավախախտումների վերաբերյալ» ՀՀ օրենսգրքի 123-րդ հոդվածի 2-րդ մասով նախատեսված վարչական իրավախախտման կազմը, սակայն առկա է նույն օրենսգրքի 124 հոդվածի 17-րդ մասով նախատեսված իրավախախտման հատկանիշներ, ուստի ելնելով վերոգրյալից և ղեկավարվելով հիշյալ օրենսգրքի 247-րդ հոդվածի 1-ին մասի 1-ին կետով, 293-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 17.06.2022թ-ին կայացված թիվ 8180210354 որոշումը բեկանել և վարչական իրավախախտման վերաբերյալ գործի վարույթը կարճել:
2. ՀՀ ոստիկանության պարեկային ծառայության վարչական իրավախախտման վերաբերյալ գործով 16.06.2022թ-ին կայացված թիվ 8180200041 որոշումը թողնել անփոփոխ, իսկ վարչական բողոքն առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
4. Սույն որոշման օրինակն ուղարկել դիմողին և ՀՀ ոստիկանության պարեկային ծառայության Լոռու գումարտակ:

Պետ,
ոստիկանության գնդապետ՝

Ա.Ումրշատյան